



Nunatta Isiginnaartitsisarfia

The National Theatre of Greenland

Angutivik

Timiga timerinngilara

(angutitut)

Anaana immikkuullarissuvoq. Arnaavoq uumisaarinissaminut nuannarisalik. Arnaavoq uumilaleraangatta nipituumik illartartoq. Naveeraangatsigu oqaaseqarani naammagisimaarpasilluni qungujulasartoq. Kamannallaqqissorujussuvoq. Tamavitta sanngiiffiut saperluinnagagullu nalunngilai, ingammik ataagama sanngiiffii. Taamaamat ataagama anaana naapikkamiulli qingarnarnerpaanik misigisaqartitaasarpog. Ataagama taamanili sungiussiniarsarisaraluarpoq, anaanagali kamassaareriaatsinik nutaanik nassaartuarpoq. Ataagama inuuninni assigiinngitsorpassuarnik ilikkartinnikuuanga, ilikkartitaali pingarnerpaaq tassaavoq arnanut attuineq inerteqqutaalluinnartoq. Qanorluunniit qiasuga illaraluarpat. Qanorluunniit tusaaneqarnissannut pisariaqartitsillunga tusanngitsuusaartigaluarpat. Qanorluunniit iipiliniq millortigaluarpanga. Qanorluunniit tinnaarfigitigaluaruninga iliuusissarutiivillunga. Arnat attorneqassanngillat; tassa. Arnaatima tinnaarnera saperukku angutiviunavianngilanga. Kamassara aqussinnaanngikkukku angutiviunavianngilanga. Naammatsivillunga ingerlaannarsinnaanngikkuma angutiviunavianngilanga. Tassa tamanna peruutiginiuuara. Inuunermik navianartorsiunngikkaanni, imminut imaluunniit ilaqquttat illersorniannngikkaanni annersaasoqarneq ajorpoq.

